



顧炎武全集

9

顧炎武全集

9



常州大学图书馆
藏书章

肇
域
志
(四)

譚其驤

王文楚

朱惠榮等校點

陝西

總制陝西尚書一員。

巡撫陝西都御史一員，巡撫榆林都御史一員，巡撫寧夏都御史一

員，巡撫甘肅都御史一員。巡按陝西監察御史一員，巡按河西監察御史一員，巡茶監察御史一員，清軍監察御史一員，巡鹽監察御史一員。

平涼行太僕寺卿一員，少卿二員，寺丞一員；

肅行太僕寺卿一員，少卿一員，寺丞一員；苑馬寺卿一員，少卿一員，寺丞一員。布政司：左

布政使一員，右布政使一員，左參政一員，右參政四員，左參議一員，右參議三員。按察

司：按察使一員，副使一十二員，僉事六員。按察司分六道：關內道，理西安；關西道，理

平、鳳；關南道，理漢中；隴右道，理臨、鞏、洮、岷；河西道，理延、慶、寧夏；西寧道，理行都司

各衛所。都司：都指揮使一員，指揮同知二員，指揮僉事四員。

繁簡考：陝西內綜八郡，外控三邊，吏茲土者牧且兼帥焉，責誠艱矣。西、鳳、漢中，稍稍

饒庶，百需給仰，供應頗難。延、慶、平涼、臨、鞏，逼近邊陲，虜一入，無論貨產，鋒鏑死傷之

患，獨先嘗焉，視諸郡尤衝而勢不相貫。故甘肅星懸於河外，寧夏株保於橫城、榆林，一望虜

幕，千里餽糧，獨其人輕生敢戰，相持無恐，頻年更番入衛，耗亡半矣，墮城殞將，蓋有由然。又其甚者，固原爲開府調度之中，重兵屯戍，自去秋敗績之後，懸賞選募，至今銳士尚不滿千，若虜襲舊直驅，踐汧、隴^(二)，薄涇、邠，窺三輔，特再晝夜力耳。鳳、沔之墟，夙多回種，而無良亡命者又多逃匿其中，立俟風塵，鼓煽而起，腹心之患，其將大乎！是故有牧帥之責者，所當觀釁而預圖焉。

晉末，劉裕伐秦，王鎮惡蒙衝小艦，徑至渭橋^(三)。

唐高祖時，突厥歲盜邊，帝會羣臣問所

以備邊者。將作大匠于筠請於五原、靈武置舟師於河^(四)，扼其入。中書侍郎溫彥博曰：魏爲長塹遏匈奴，今可用。帝使桑顯和塹邊大道，召江南船工，大發卒治戰艦。據此，是江南之船可至關中，而舟楫之利可行於西北也。董衡唐書釋音^(五)：雍，於用切。州名雍，擁也。東嶠，

西漢、南商、北居庸，四山之所擁翳也。

史記霍驃騎傳：渾邪王降漢，乃分徙降者邊五郡故

塞外，而皆在河南，因其故俗，爲屬國。隴西、北地、上郡、朔方、雲中。

宋書王鎮惡傳：鎮惡請率水

軍，自河入渭，直至渭橋。鎮惡所乘皆蒙衝小艦^(六)，行船者悉在艦內。羌見艦汭渭而進，不見有行船^(七)，北土素無舟楫，莫不驚惋，咸謂爲神。

【校勘記】

- 〔一〕右布政使「使」，底本作「司」，川本、滬本同，據明史職官志改。
- 〔二〕踐汧隴「汧」，底本、川本作「沂」，據滬本及紀要卷五二改。
- 〔三〕徑至渭橋「渭」，底本、川本作「謂」，據滬本及宋書王鎮惡傳改。
- 〔四〕于筠「于」，底本作「於」，川本同，據滬本及新唐書突厥傳改。
- 〔五〕董衡唐書釋音「董衡」，底本、川本作「董衡」，據滬本及宋史藝文志改。
- 〔六〕皆蒙衝小艦「衝」，底本作「童」，川本缺，據滬本及宋書王鎮惡傳改。
- 〔七〕羌見艦汧渭而進不見有行船底本、川本、滬本同。宋書王鎮惡傳：「羌見艦汧渭而進，艦外不見有乘行船人。」疑有脫誤。

西安府

屬關內道。城周四十里。府志。自黃巢寇長安，焚毀宮室，韓建仍棄舊城，築京兆府

城，是爲今城。張社記云：周二十五里^二。南割楚、蜀，東連豫、冀，西界番戎，北抵沙漠，幅

員萬里，誠中分天下之大域也。內列八府，外控三邊。通志。〔眉批〕左轂、函、右隴、蜀，沃野千里，南有

巴、蜀之饒，北有胡苑之利。阻三面而守，獨以一面東制諸侯，此所謂金城千里，天府之國也。史記。季札觀樂，爲之

歌秦，曰：此之謂夏聲。夫能夏則大，大之至也，其周之舊乎！〔左傳〕 勇於公戰，怯於私

鬪。〔二〕史記。〔眉批〕雍州土厚水深，其民厚重質直，無驕情浮靡之習。〔三〕以善導之，則易興起而篤於仁義；以猛驅之，則

其強毅果敢之資，亦足以強兵力農而成富強之業；非山東諸國所及。〔朱子秦風詩傳〕〔四〕。潁南山，近夏陽，多阻險，輕薄易

爲盜賊，嘗爲天下劇。又郡國輻輳，浮食者多，民去本就末；列侯貴人，車服僭上，衆庶倣效，羞不相及；嫁娶尤崇侈靡，送死

過度；故漢時京輔稱爲難理。〔府志〕

元爲安西路，置陝西行省。本朝洪武二年，改爲西安府，在陝西

行省。〔五〕洪武九年，改爲布政司。〔眉批〕漢書高帝紀：二年，雍州定，八十餘縣，置河上、渭南、中地、隴西、上郡。

注：服虔曰：河上，即左馮翊也。渭南，京兆也。〔六〕中地，右扶風也。

終南山，在府城南五十里，一名南山。東自藍田縣界，西入咸寧縣界。〔要義〕曰：太乙，一名

終南山。〔三秦記〕曰：太乙在驪山西，去長安二百里。太白武功二山，在今郿縣。太華山，在華

陰縣西南。〔何景明〕曰：太華、終南、太白，實一山，延亘不絕。太華在華陰，終南在長安，太白在

郿，各以其地異名爾。其山首枕嵩、芒，〔七〕尾貫羌、蜀，表裏秦關，蓋邦域大紀云。〔黃河〕自龍

門而下，歷韓城、郃陽至朝邑縣界，稍折而東，入蒲州界。渭河，在府城北五十里。出臨洮府

渭源縣鳥鼠山西北谷，東流經整厓、興平、咸陽、渭南，至華陰界入黃河。涇河，發源平涼府

界峴頭山。〔八〕經邠州、醴泉、涇陽，至高陵縣入渭。〔九〕

藩封：秦王，太祖第二子，洪武三年封。

巡撫並關內道分巡駐劄。

陝西都指揮使司：西安左衛，西安前衛，西安後衛，西安右護衛。

京兆驛，西安遞運所，灞橋遞運所。地當省會，供應煩雜，回、漢軍民雜處，健訟。

【校勘記】

〔一〕張祉記云周二十五里「記」，底本、川本作「紀」，據滬本改。「二十五里」，底本、川本同，滬本作「二十三里」。

〔二〕怯於私鬪「私」，底本、川本作「外」，據滬本及史記商君列傳改。

〔三〕無驕情浮靡之習「驕情」，底本、川本作「論矯」，據滬本及清統志卷二二七改。

〔四〕秦風詩傳「傳」，底本、川本作「稿」，據滬本及明統志卷三二、清統志卷二二七改。

〔五〕在陝西行省底本、川本、滬本同。清統志卷二二六：「明初仍立陝西行省，洪武九年，改置陝西等處承宣布政

使司。」是「在」當爲「仍」之誤。

〔六〕渭南京兆也「渭」，底本、川本作「謂」，據滬本及漢書高帝紀顏師古注引服虔曰改。

〔七〕其山首枕嵩芒「芒」，底本、川本及雍大記卷九同，滬本作「邛」。

〔八〕岍頭山「岍」，底本、川本作「岍」，滬本作「筭」，據淮南子墜形訓高誘注、明統志卷三二改。

〔九〕至高陵縣入渭底本、川本及明統志卷三二同，滬本作「至高陵縣南入渭」。

長安縣治。

隋開皇三年，始徙縣治於此。

隋文帝命高穎等創建新都，其地在漢長

安故城之南，南直終南山子午谷，北據渭水，東臨灊、澁，北枕龍首山原。至唐天祐元年，昭宗幸洛陽，匡國軍節度使韓建改築^(一)，約其制爲今城。史記河渠書：元光中，大司農鄭當時建言：引渭起長安，東至河三百餘里，渠下民田萬餘頃^(二)，得灌溉，益肥關中地。天子以爲然，令齊水工徐伯發卒數萬人穿渠^(三)，三歲通，渠下民頗得溉田。

【校勘記】

〔一〕匡國軍節度使韓建「軍」，底本無，川本、滬本同。新唐書方鎮表一：乾寧二年，升同州爲匡國軍節度。天祐三年，罷匡國軍。舊五代史梁書韓建傳：開平四年，除匡國軍節度使。此脫「軍」字，據補。

〔二〕渠下民田萬餘頃「下」，底本脫，川本、滬本同。史記河渠書：鄭當時爲大農，言曰：引渭穿渠起長安，至河三百餘里，「而渠下民田萬餘頃，又可得溉田」。據補。

〔三〕徐伯「伯」，底本、川本作「佑」，滬本作「祐」，據史記河渠書改。

咸寧縣 治。

隋大興縣。唐萬年縣。

通鑑：隋文帝以渭水多沙，深淺不常，漕者苦

之，招太子左庶子宇文愷帥水工鑿渠^(一)，引渭水自大興城東至潼關三百餘里，名曰廣通渠。漕運通利，關內賴之。北史：隋文帝開皇四年六月壬子，開通漕渠，自渭達河，以通運漕。

書郭衍傳：爲開漕渠大監，部帥水工，鑿渠引渭水，經大興城北，東至於潼關，漕運四百餘里，

關內賴之，名之曰富民渠。

唐書：天寶元年，韋堅爲陝郡太守、水陸轉運使。自漢及隋，有運

渠自關門西抵長安，以通山東租賦。堅奏於咸陽壅渭水作興成堰，截灞、澇水，傍渭東注，至關

西永豐倉下，與渭水合。於長安城東九里長樂坡下^(一)，澇水之上架苑牆^(二)，東面有望春樓^(四)，

樓下穿潭以通舟楫，二年而成。堅預於東京、汴、宋取小斛底船二百隻置於潭側，其船皆署牌

表之^(五)。凡數十郡，各以土物堆積其上，駕船人皆大笠子、寬袖衫、芒屨，如吳、楚之制。廣集

兩縣官，使婦人唱得寶歌。使縣尉崔成甫作歌詞十首，白衣缺胯綠衫，錦半臂，偏袒膊，紅羅抹

額，於第一船作號頭唱之。和者婦人一百人，皆鮮服靚妝，齊聲接影，鼓笛胡部以應之。餘船洽

進，至樓下，連檣彌亘數里，觀者山積。堅跪上諸郡輕貨，又上百牙盤食^(六)，府縣進奏，教坊出

樂迭奏。玄宗大悅，賜名廣運潭。府志：在縣東澇水，今廢。

龍首山，在府城北一十里。首入渭水，尾達樊川，長六十里。隋以長安城狹小，改作新都於

龍首山遷焉。錫谷，在府城東南六十里。有路至歸安鎮，合義谷路通漢中府。子午谷，在

府城南一百里。谷中路通南北，故名。漢平帝時置關，今廢。澇水，在府城南一十里。發源

南山石壁谷，北流注於渭。顏師古曰：涇、渭、澇、灞、豐、鎬、潏、潏爲八水。三輔黃圖：關中八水，皆出入上林

苑^(七)。鎬水，在府城西北一十八里。上承鎬池，下流合潏池水。澇水，在府城東一十五里。

源出藍田縣，合金谷水^(八)，北流入灞水。灞水，在府城東二十里。源出秦嶺，合藍谷、傾谷諸

水入澹水，注於渭。

北史：隋文帝開皇五年九月乙丑，改鮑陂曰杜陂，霸水曰滋水。澹水，在府城西北二

十里。發源咸陽縣之澹池，西北合鎬水。交水，在府城南三十里。一名福水，上承樊川，西至

石碣，道分爲二：一注澧河，一入昆明池。樊川，在府城南二十里。御宿川，在府城西南二

十里。樂遊原，在府城南八里。漢宣帝起樂遊廟。細柳原，在府西南三十三里昆明池南。

漢周亞夫屯兵處。長樂坡，在府城東北一十里，澹水西岸。漢長樂宮在其西北。曲江池，

在府東南一十里。漢武帝所鑿，其水曲折似嘉陵江，因名。〔眉批〕史記司馬相如傳：臨曲江之隱州

兮。〔索隱〕曰：隱，音祈，即碣字，謂曲岸頭也。有宮閣路，今獨謂之曲江，在杜陵西北。昆明池，在漢上林

苑。武帝欲伐昆明，穿此池以習水戰。唐書：大和九年，浚昆明曲江二池。上好爲詩，每

誦杜甫曲江行云：江頭宮殿鎖千門，細柳新蒲爲誰綠？乃知天寶以前，曲江四岸皆有行宮臺

殿，百司廨署，思復昇平故事，故爲樓殿以壯之。命左右神策軍陶曲江昆明二池，

起翠雲樓、彩霞亭。

未央宮，在府城西北一十四里。漢高帝建，內有東闕、北闕、前殿、武庫，遺址尚存。長樂

宮，在府城西北一十八里。漢高帝建。創業起居注：帝遣移營舍於長樂宮澹川上。此隋

之長樂宮也。建章宮，在府城西北二十里。漢武帝建。大明宮，在府治東北五里。唐東

內也。貞觀中建，初名永安，後改曰蓬萊（二九），又改曰大明。

夾城，唐玄宗以隆慶坊爲興慶

宮，附外郭爲複道，名曰夾城。後宣宗於夾城南頭開便門（二〇），自芙蓉園北入青龍寺（二二），俗號

新開門。安西王城，在府城東北二十里。元世祖以子忙阿剌爲安西王，開府京兆，鎮秦防留

涼之地（二三），置城，今俗名幹耳朵，故址尚存。興慶宮，在府治東南五里。唐南內也，玄宗

建。翠微宮，在府城南八十里終南山上。唐高祖建，名太和，太宗改曰翠微。中渭橋，在府

城西北二十五里，架渭水上。秦始皇作離宮於渭南北，渭水貫都，以象天漢，橫橋南渡，以法牽

牛。（旁注）長安城北，咸陽東南二十五里（二三）。今橋廢渡存。東渭橋，在府城東北五十里。（旁注）咸寧東四十

里。漢高祖造，以通櫟陽之道（二四）。西渭橋，在舊長安城西。漢武帝造，跨渭水以通茂陵，以

其對便門，故亦名便橋。唐時名咸陽橋。便橋。武帝紀：建元三年，初作便門橋。服虔曰：

在長安西北（二五）、茂陵東。蓋秦世已有中橋，亦自可趨興平而遷四離道，故於城之西面南來第

一門外，對門創橋，以便西往。故北門一名便門，而北橋遂名便橋，亦曰便門橋也。灞渡，在

縣東南二十五里（二六），入藍田路。光泰門渡，在縣東二十里，入高陵、耀州路（二七）。霸橋，

在府城東霸水上。漢時送行者多至此。王莽時橋災（二八），隋更造，元修以石（二九）。長安故

城，在府城西北二、三十里（三〇）。舊志謂本秦離宮。今按其地即秦宮跨渭處。漢高帝七年，自櫟陽徙

都於此。惠帝元年，城長安，周圍六十五里，南爲南斗形，北爲北斗形。城周圍六十里，經緯各長十五

里(三二)，城中地九百七十三頃(三三)，八街、九陌、九市。〔眉批〕三輔治所，在長安古城中。京兆在故城南尚冠里，馮翊在故

城內太上皇廟西南，扶風在夕陽街北。三輔者，三爵：中尉及左、右內史，漢武帝改曰京兆尹、左馮翊、右扶風，共治長安城中。

光武之後，馮翊出治高陵，扶風出治槐里。顏師古注：長安以東爲京兆，長陵以北爲左馮翊，渭城以西爲右扶風。

霸陵

城，在府城東二十五里。本秦穆公築，漢文帝葬其地，因置霸陵縣。上林苑，在府城內(三三)。

本秦苑，漢武帝開廣之，方數百里。博望苑，在府城北五里。漢武帝爲戾太子築，使通賓

客。軹道，在府城東一十三里。秦子嬰降沛公處。周穆王陵，在府西南二十五里張恭

村(三四)。造書臺，在長安縣西南二十里西宮張村三會寺中(三五)。即倉頡造字處。〔旁注〕石經，在於

府學。周易、毛詩、尚書、周禮、儀禮、禮記、左氏、公羊、穀梁、孝經、論語、爾雅，凡十二經，孟子獨缺。石刻孝經，唐明皇八分書，

在府學。孔子廟堂碑，唐太子中書舍人、著作郎虞世南撰並書，在文廟，今缺裂不完。顏氏家廟碑，唐吏部尚書顏真卿撰並

書，在文廟。三藏聖教序碑二：一爲唐沙門懷仁奉敕集晉王右軍書(三六)，一爲中書令褚遂良書，在慈恩寺塔東西龕下，今存。

【校勘記】

〔一〕字文愷「愷」，底本作「瑾」，川本、滬本同，據通鑑卷一七六改。

〔二〕於長安城東九里「東」，底本、川本脫，據滬本及舊唐書韋堅傳補。

〔三〕澹水之上「上」，底本、川本作「下」，據滬本及舊唐書韋堅傳改。

〔四〕東面有望春樓「面」，底本、川本作「西」，據滬本及舊唐書韋堅傳改。

〔五〕其船皆署牌表之「署」、「表」，底本、川本作「置」、「衣」，據滬本及舊唐書韋堅傳改。

〔六〕又上百牙盤食「牙」，底本、川本作「般」，據滬本及舊唐書韋堅傳改。

〔七〕皆出入上林苑「入」，底本、川本脫，據滬本及三輔黃圖卷六補。

〔八〕金谷水「金」，川本同，與長安志卷一六合；滬本作「莽」，清畢沅校長安志藍田縣金谷水下云：「沅案水經注云，澧水西北流，與一水合，水出西南莽谷，東北流注澧水，澧水又北流，歷藍田川，北流注於霸水，即此水也。」

〔九〕改鮑陂曰杜陂兩「陂」字，底本、川本、滬本作「陵」，據北史隋本紀改。

〔二〇〕嘉陵江「嘉」，川本及紀要卷五三同，滬本作「廣」，同寰宇記卷二五。

〔二一〕有宮閣路「閣」，底本、川本作「門」，據滬本及史記司馬相如傳索隱改。

〔二二〕在杜陵西北「杜」，底本、川本作「江」，據滬本及史記司馬相如傳索隱改。

〔二三〕大和九年「大和」，底本、川本作「太初」，據滬本及舊唐書文宗紀改。

〔二四〕曲江四岸皆有行宮臺殿「四」，底本、川本脫；「臺」，底本、川本作「宮」，據滬本及舊唐書文宗紀補改。

〔二五〕思復昇平故事「思復」，底本、川本作「司後」，據滬本及舊唐書文宗紀改。

〔一六〕爲樓殿以壯之「樓」，底本、川本作「宮」，據滬本及舊唐書文宗紀改。

〔一七〕命左右神策軍至彩霞亭川本同，滬本無此二十字。滬本於上文昆明池「穿此池以習水戰」下有「秦長信宮」。

史記：始皇二十七年，作長信宮於渭水之南，通驪江二十四字，底本、川本無。

〔一八〕帝遣移營舍於長樂宮澧川上「舍」，底本、川本缺；「澧」，底本、川本缺，滬本作「澧」，據滬本及大唐創業起居注卷二補改。

〔一九〕初名永安後改曰蓬萊「初名永安」，滬本下有「明年改大明」五字，底本、川本無。「後改曰蓬萊」，川本同，滬本下有「曰含元」三字，與新唐書地理志同，底本、川本無。

〔二〇〕夾城南頭「頭」，底本、川本脫，據滬本及長安志圖卷上補。

〔二一〕自芙蓉園北入青龍寺「園」、「北」，底本、川本作「園」、「以」，據滬本及長安志圖卷上改。

〔二二〕鎮秦防留涼之地底本、川本、滬本同。疑爲「鎮防秦、涼之地」之誤。

〔二三〕長安城北咸陽東南二十五里底本、川本作「長安□□咸陽東西二十五里」，滬本作「橋今在咸陽東南二十五里」。紀要卷五三：「中渭橋，在故長安城北，「咸陽東南二十二里」。此「長安」下當脫「城北」二字，「西」爲「南」字之誤，據以補改。

〔二四〕漢高祖造以通櫟陽之道「高祖」，底本、川本同，滬本作「景帝」。紀要卷五三：「東渭橋，漢高祖造此以通櫟陽之道，或曰景帝時所作也」。

〔二五〕長安西北底本、川本作「西北長安」，據滬本及漢書武帝紀顏師古注引服虔曰乙正。

〔二六〕在縣東南二十五里川本同，滬本作「在咸陽縣東南二十五里」。長安志卷一一：「橫霸官渡，在萬年縣東南二十五里。橫霸官渡當即灞渡，宋萬年縣在明、清爲咸寧縣，」統志卷二二九載橫霸官渡於咸寧縣，則滬本誤。

〔二七〕光泰門渡在縣東二十里入高陵耀州路「泰」，底本、川本作「春」；「耀」，底本、川本脫，並據滬本及長安志卷一一改補。

〔二八〕王莽時橋災「時」，底本、川本作「東」，據滬本及明統志卷三二改。

〔二九〕隋更造元修以石川本及明統志卷三二同，滬本作「隋更造，修以石」。

〔三〇〕在府城西北三十里「二三」，川本同，滬本作「二」，一作「三」。明統志卷三三作「二十里」。

〔三一〕經緯各長十五里「十五」，川本及續漢書郡國志劉昭注引漢舊儀同，滬本作「三十五」。

〔三二〕城中地九百七十三頃「三」，川本及續漢書郡國志劉昭注引漢舊儀同，滬本作「二」。

〔三三〕在府城內「內」，川本及明統志卷三三同，滬本作「西」。

〔三四〕張恭村「恭」，底本、川本作「太」，據滬本及明統志卷三三改。

〔三五〕造書臺在長安縣西南二十里西宮張村三會寺中底本、川本作「造書臺」，在長安縣西三十里西宮張村三會寺

臺」，滬本作「造書臺」，在長安縣西南三十里西宮張村三會寺臺」。據明統志卷三三改補。

〔三六〕唐沙門懷仁「懷」，底本、川本脫，據滬本及清統志卷二二八補。

咸陽縣 府西北五十里。西達諸邊，南通蜀道。地衝而事頗簡。南臨渭水，北依九

嶼^(二)。城周四里一百五十二步。嘉靖二十六年，拓東、西、北三隅爲郭^(三)，周四里有奇。萬

曆四年，遂合新、舊爲一城。唐書李石傳：石奏：咸陽令韓遼請開興成渠。舊漕在咸陽縣

西十八里，東達永豐倉，自秦、漢以來疏鑿，其後堙廢。昨遼計度，用功不多。此漕若成，自咸陽

抵潼關，三百里內無車輓之勤，則輟下牛盡得歸耕，永利秦中矣^(三)。唐武德元年，析涇陽、始

平置咸陽縣。六年，徙便橋，城舊在杜郵館西。洪武四年，始遷今治。

洪濱原，在縣北五里。東西一周，闊七里許。渭水驛。治東。鮮原，周文王伐密之後，

相高原而徙都。詩：在渭之將。注云：在京兆府咸陽縣。周文王都，在縣南四十里。武

王都，在縣南五十里。咸陽遞運所。治西。高陽原，在城南二十里，接長安界。短陰原，

一名短陰山〔四〕，在縣西南二十里。渭水。漕河，在城南十五里。自萬年縣界來，

逕縣界五里入渭。畢原，在縣北，周文、武、成、康葬於此。澧水，出終南山，合太

平、高觀谷水，東至縣入於渭。詩云：豐水東注。即此。〔眉批〕府志：豐水在縣東南，經流所向〔五〕，可引

疏咸、長兩縣田，亦可殺水勢，不然豈惟坐失水利，時或春漲，更有衝決之害。

牛首池，在渭水南。史記：秦上林苑傍牛首池中，有自生之韭，故又名野韭澤〔六〕。府志：

在縣南八里。長信宮，在縣境渭水南。史記：始皇初居有長信宮、祈年宮。阿房宮，在縣

東二十五里。始皇建於渭南上林苑中。蘭池宮，在縣東二十五里。秦始皇三十一年，爲微行

咸陽，與武士四人俱，夜出逢盜蘭池，見寤，武士擊殺盜。〔眉批〕漢志：渭城縣有蘭池宮〔七〕。〔三秦記：始

皇引渭水爲長池，東西二百里，南北二十里〔八〕，築蓬萊山，刻石鯨，長二百丈〔九〕。亦曰蘭池陂〔一〇〕。〕鎬京城，在縣

西南。周武王自豐居鎬，今澧水之東，長安之西三十里之澧一十五里鎬池〔一一〕，即其故都

也。周文王陵，在縣北十五里。其北爲武王陵。漢高帝長陵，在縣東三十五里。徙關東

豪傑萬家於此，置陵邑。其東有呂后陵，戚夫人、趙隱王如意墓，在櫟陽故城〔一二〕。咸陽故

城，有三：秦城，在今縣東三十里；隋城，在縣東北二十里；唐城，在渭水北，杜郵館西。杜